



REPUBLIKA E SHQIPËRISË
BASHKIA DROPULL
KËSHILLI BASHKIAK

PROJEKTVENDIM
Nr. , Datë 26.05.2025

PËR RISHQYRTIMIN E VENDIMIT TË KËSHILLIT TË BASHKISË, NR. 22, DATË 30.04.2026, “PËR MIRATIMIN E PËRDORIMIT TË FONDIT TË KUSHTËZUAR TË BUXHETIT TË SHTETIT PËR EMERGJENCAT CIVILE DHE SHTESAVE BUXHETORE, PËR VITIN 2026”.

Në mbështetje të nenit 54, pika “dh”, të ligjit 139/2015, “Për Veteqeverisjen vendore”, ligjit nr.9936,dt.26.06.2008, “Për menaxhimin e sistemit buxhetor në Republikën e Shqipërisë” i ndryshuar, ligjit nr.10296, datë 08.07.2010 “Për menaxhimin financiar dhe kontrollin”, i ndryshuar, ligjit 68/2017 “Për financat e veteqeverisjes vendore”, , i ndryshuar, nenit 65 të ligjit nr.45/2019, “Për mbrojtjen civile”, pikës 6, të nenit 15, të ligjit nr.87/2025, “Për buxhetin e vitit 2026”, nenit 16 të ligjit 107/2016, Për Prefektin e Qarkut, i ndryshuar, VKM nr.414, datë 08.07.2021, “Për miratimin e procedurave dhe kriterëve të ndarjes dhe të përdorimit të fondit të kushtëzuar të buxhetit të shtetit për mbrojtjen civile”, i ndryshuar, pikës 19 të Udhëzimit Plotësues të Ministrisë së Financave nr.2, datë 14.01.2026, “Për zbatimin e buxhetit të vitit 2026” , Shkresës së Ministrisë së Mbrojtjes, AKMC, nr.429/6 prot., datë 15.04.2026, “Mbi fondin e kushtëzuar të buxhetit të shtetit për mbrojtjen civile për vitin 2026”, Vendimit të Këshillit të Bashkisë nr.67, datë 17.12.2025, “Për miratimin e programit buxhetor afatmesëm 2026-2028 dhe buxhetit të Bashkisë Dropull për vitin 2026, ”, i ndryshuar; Vendimit të Këshillit të Bashkisë nr. 11, datë 27.02.2026, “Për miratimin e dëmshpërblimit të familjeve, që pësuan dëme nga zjarri në fshatrat Vrisera (Valendina Ruxho), Sotirë (Arian Niko) dhe nga shiu në Dervician (Lefter Baruta), me vlerë 10.583.151,4 lek me TVSH”, Shkresës së Bashkisë Dropull, dërguar AKMC-së, nr.91 prot. datë 15.01.2026, “Kërkesë për financim projekti,”Rehabilitimi i dëmeve nga përmbytjet, Nëntor 2025, në Bashkinë Dropull”, në mbledhjen e datës 26.05.2026, në përputhje me pikën 2 të Shkresës së Prefektit të Qarkut nr. 454/1, datë 14.05.2026, “Mbi verifikimin e ligjshmërisë së akteve të depozituara tek Prefekti i Qarkut Gjirokastrë, me propozim të Kryetarit të Bashkisë,

KËSHILLI BASHKIAK
VENDOSI:

1. Rishqyrtimin e Vendimit të Këshillit të Bashkisë, nr.22, datë 30.04.2026,“Për Miratimin e përdorimit të fondit të kushtëzuar të buxhetit të shtetit për emergjencat civile dhe shtesave buxhetore për vitin 2026“, sipas pikës 2 të Shkresës së Prefektit të Qarkut nr. 454/1, datë 14.05.2026, “Mbi verifikimin e ligjshmërisë së akteve të depozituara tek Prefekti i Qarkut Gjirokastrë.
2. Miratimin e përdorimit të fondit të kushtëzuar të buxhetit të shtetit për emergjencat civile , për vitin 2026, në vlerë 5.694.189 lek, në kodin e produktit AB, artikullin 231, si më poshte:
 - a- Mbulim i **diferencës** së shpenzimeve për dëmin nga zjarri i datës 24.07.2025, të shtëpisë së z. Hristo Karamano, ID, E90421010W, në fshatin Kakavi me vlerë 2.123.572 lek, në artikullin 604, sipas Vendimit të Këshillit të Bashkisë nr.63, datë 27.11.2025.

- b- Mbulim i një pjese të shpenzimeve për dëmin nga zjarri i datës 29.01.2026, të shtëpisë së z. Andon Niko, ID, E207170170, në fshatin Sotirë, me vlerë 3.570.617 lek, në artikullin 604, sipas Vendimit të Këshillit të Bashkisë nr. 11, datë 27.02.2026.
3. Miratimin e përdorimit të fondit të kushtëzuar të buxhetit të shtetit për emergjencat civile , për vitin 2026, në vlerë 5.694.189 lek, në kodin e produktit AD, artikullin 231, për investimin,“Riparim i dëmeve në objektin “Mbrojtje nga Përroi i Selos, Dropull - Faza I“ dhe në segmentet rrugorë Likomil-Selo-Klishar“.
4. Ngarkohet Drejtoria e Financës dhe Buxhetit për zbatimin e këtij vendimi.
5. Ky vendim hyn në fuqi 10 dite mbas shpalljes publike (sipas përcaktimeve të nenit 55, pika 6 të ligjit nr.139/2015” Për Vetëqeverisjen Vendore”).

KRYETAR

Donika BAUÇI



REPUBLIKA E SHQIPËRISË
BASHKIA DROPULL
KËSHILLI BASHKIAK

PROJEKTVENDIM
Nr. Date 26.05.2026

“PËR MIRATIMIN E SHITESAVE NË TË ARDHURAT DHE SHPENZIMET E BUXHETIT TË VITIT 2026 ”.

Në mbështetje të nenit 54, pika “dh”, të ligjit 139/2015 “Për Vetëqeverisjen vendore”, ligjit nr.9936,dt.26.06.2008, “Për menaxhimin e sistemit buxhetor në Republikën e Shqipërisë” i ndryshuar, ligjit nr.10296, datë 08.07.2010 “Për menaxhimin financiar dhe kontrollin”, ligjit 68/2017 “Për financat e vetëqeverisjes vendore”, ligjit nr.114/2024, “Për ratifikimin e marrëveshjes ndërmjet Këshillit të Ministrave të R.SH., përfaqësuar nga Ministri i Shtetit për Pushtetin Vendor dhe Qeverisë së Konfederatës Zviceriane, përfaqësuar nga Agjensia Zviceriane për zhvillim dhe bashkëpunim, që vepron nëpërmjet Ambasadës së Zvicrës në Shqipëri, për Projektin “Bashki të Forta (BTF), Faza 2”, ligjit nr.115/2024, datë 3.12.2024, “Për buxhetin e vitit 2025, Aneksit 9, Granti i Performancës”, Udhëzimit Plotësues të Ministrisë së Financave nr.2, datë 14.01.2026, “Për zbatimin e buxhetit të vitit 2026”, Shkresës së Ministrisë së Financave nr.4018 prot., datë 4.03.2026, “ Shpërndarja e grantit të bazuar në performancë me burim financimin e huaj”, Vendimit të Këshillit të Bashkisë nr.67, datë 17.12.2025, “Për miratimin e programit buxhetor afatmesëm përfundimtar 2026-2028 dhe buxhetit vjetor 2026 të Bashkisë Dropull ”, i ndryshuar, Vendimit të Këshillit të Bashkisë nr.04, datë 30.01.2026, “Për miratimin e destinacionit të përdorimit të Grantit të Bazuar në Performancë të vitit 2025, me burim financimin e huaj”, në mbledhjen e datës 26.05.2026, me propozim të Kryetarit të Bashkisë,

KËSHILLI BASHKIAK
VENDOSI:

1.Miratimin e nje shtesave në të ardhurat dhe shpenzimet e buxhetit të vitit 2026, nga të ardhurat e Grantit të bazuar në performancë me burim financimin e huaj, si më poshtë:

A. Të shtohen të ardhurat:

Nga granti i bazuar në performance, me burim financimin e huaj, në Kapitullin 2, në vlerë 6.555.450 lek.

B. Të Shtohen shpenzimet:

-Gr.00.Tit. 04260 .Kap.2. Art . 230 per	5.888.004 lek
-Gr.00.Tit. 04260 .Kap.2. Art . 602 per	667.446 lek.

III. Ngarkohet Drejtoria e Financës dhe Buxhetit për zbatimin e këtij vendimi .

IV. Ky vendim hyn në fuqi 10 dite mbas shpalljes publike (sipas përcaktimeve të nenit 55, pika 6 të ligjit nr.139/2015” Për Vetëqeverisjen Vendore”).

KRYETAR

Donika BAUÇI



REPUBLIKA E SHQIPËRISË

BASHKIA DROPULL

KËSHILLI BASHKIAK

PROJEKT VENDIM

NR., DATË. 05.2026

PËR

“MIRATIMIN E PËRFITUESVE DHE MASËS MUJORE TË PËRFITIMIT NGA FONDI SHITESË MBI FONDIN E KUSHTËZUAR TË NDIHMËS EKONOMIKE, PËR MUAJI MAJ 2026”.

Në mbështetje të nenit 24, “Funksionet e bashkive në fushën e shërbimeve sociale”, Ligji 139/2015, “Mbivetqeverisjen vendore”, nenit 21, të Ligjit 57/2019, “Për asistencën sociale në Republikën e Shqipërisë”, indryshuar, VKMnr.597, datë 04.09.2019, “Për përcaktimin e procedurave, të dokumentacionit dhe të masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike”, indryshuar, Vendimit të Këshillit të Bashkisë nr.68 date 17.12.2025, “Përmiratimin e kriterëve për përdorimin e fondit shtesë mbi fondin e kushtëzuar të ndihmës ekonomike, për familjet dhe individët nënevojë, për vitin 2026”, Vendimit të Këshillit të Bashkisë nr.68, dt.17.12.2025 me propozim të Kryetarit të Bashkisë,

1. Miratimin e listës së përfituesve dhe masës mujore të përfitimit nga fondi shtesë mbi fondin e kushtëzuar të ndihmës ekonomike, për familjet dhe individët nënevojë, për muajin Maj 2026, sipas tabelave bashkangjitur.
2. Ngarkohet Drejtoria e Shërbimeve Sociale dhe e Strehimit për zbatimin e këtij vendimi..
3. Ky vendim hyn në fuqi 10 ditë mbas shpalljes publike (sipas përcaktimeve të nenit 55 ,pika 6 te ligjit nr.139/2015” Për Vetëqeverisjen Vendore”).

KRYETAR
Donika BAUÇI



REPUBLIKA E SHQIPËRISË
BASHKIA DROPULL
KËSHILLI BASHKIAK



Nr. Prot

Jergucat më ___/05/ 2026

Projekt Vendim

Nr. ___ Date __. __. __

Për Miratimin e Programit Model të Transparencës për Bashkinë Dropull

Këshilli Bashkiak Dropull në mbledhjen e tij të dates 26/05/2026, me propozim të Kryetarit të Bashkisë, në mbështetje të Ligjit nr. 139/2015 “Për vetëqeverisjen vendore” Kreu IX, neni 54 pika ç dhe dhe, të Ligjit Nr. 119/2014 “Për të drejtën e informimit”, I ndryshuar dhe të Urdhërit Nr.281, datë 30/12/2025 “Për Miratimin e Programit Model të Transparencës për Njësitë e Vetëqeverisjes Vendore” të Komisionerit për të Drejtën e Informimit dhe Mbrojtjen e të Dhënave Personale,

VENDOSI:

Miratimin e e Programit Model të Transparencës për Bashkinë Dropull , sipas Lidhjes Nr. 1 që I Bashkëlidhet Këtij Projekt Vendimi dhe është pjesë përbërëse e tij.

Per zbatimin e këtij vendimi ngarkohet Kryetari I Bashkisë.

Ky vendim hyn në fuqi 10 ditë mbas shpalljes publike (sipas përcaktimeve të nenit 55, pika 6, të Ligjit.

Kryetaria

Donika Bauçi



REPUBLIKA E SHQIPËRISË
BASHKIA DROPULL
DREJTORIA E BURIMEVE NJERËZORE DHE E SHËRBIMEVE MBËSHTETËSE

Nr. Prot

Jergucat më / 05 / 2026

RELACION

Për Miratimin e Programit Model të Transparencës për Bashkinë Dropull

Të nderuar anëtarë të Këshillit Bashkiak,

Referuar dispozitave të Ligjit nr nr. 139/2015 “Për vetëqeverisjen vendore” Kreu IX, neni 54 pika ç dhe dh, të Ligjit 7961 datë 12/07/1995 “Kodi i Punës i Republikës së Shqipërisë” i ndryshuar, si dhe , të Ligjit Nr. 119/2014 “Për të drejtën e informimit”, I ndryshuar dhe të Urdhërit Nr.281, datë 30/12/2025 “Për Miratimin e Programit Model të Transparencës për Njësitë e Vetëqeverisjes Vendore” të Komisionerit për të Drejtën e Informimit dhe Mbrojtjen e të Dhënave Personale,

Ju sjellim për miratim Programin Model të Transparencës për Bashkinë Dropull. Informacioni që bëhet publik pa kërkesë është i ndarë sipas Fushave të mëposhtme:

Fusha 1: Mbi organizimin dhe funksionimin e NJVV

- Organizimi administrativo-territorial, misioni dhe funksionet.
- Organi ekzekutiv
- Administrata e NJVV
- Mekanizmat monitorues dhe të kontrollit
- Mekanizmat monitorues dhe të kontrollit
- Kërkesa, ankesa, sinjalizime dhe vërejtje që lidhen me veprimet ose mosveprimet e organeve dhe administratës.
- Statistikat vendore

Fusha 2: Transparenca dhe llogaridhënia ekonomiko-financiare

- Kalendari i programit buxhetor afatmesëm dhe të buxhetit vjetor
- Paketa fiskale (taksa dhe tarifa).
- Plani Strategjik i Zhvillimit të NJVV.
- Programi buxhetor afatmesëm vendor.
- Buxheti.
- Zbatimi i buxhetit.
- Monitorimi dhe mbikëqyrje e buxhetit:
- Vështirësitë financiare.
- Shitja ose dhënia me qira e pronave dhe asetëve
- Donacionet.

Fusha 3: Për kërkesat për informim

Të dhënat e koordinatorit për të drejtën e informimit (Emri, kontaktet dhe kompetencat)
Standardet dhe procedurat që duhen ndjekur për të bërë kërkesë për informim dhe ankesës.
Regjistri i kërkesave dhe përgjigjeve.
Tarifa për dhënien e informacionin (nëse ka)

Fusha 4: Mbi shërbimet që ofron NJVV

Shërbimet
Shërbimet administrative
Kontratat publike.
E drejta e ankesës dhe vërejtjes në lidhje me shërbimet

Fusha 5: Legjislacioni dhe aktet e brendshme rregullatore

Legjislacioni dhe aktet e brendshme rregullatore:

Fusha 6: Pjesëmarrja qytetare në vendimmarrje

Të dhënat e koordinatorit për njoftimin dhe konsultimin publik.
Plani vjetor për procesin e vendimmarrjes me pjesëmarrje.
Dispozitat e brendshme rregullatore për këshillimin me publikun.
Akte për të cilët është e detyrueshme zhvillimi i konsultimit publik.
Njoftimi për nismën vendimmarrëse me pjesëmarrje
Procedura e marrjes dhe shqyrtimit të komenteve dhe rekomandimeve.
Procedurat që duhen ndjekur për të bërë një ankim
Raporti vjetor për transparencën në procesin e vendimmarrjes.
Iniciativa qytetare

Fusha 7: Informacion tjetër

NJVV në proceset e integritetit evropian \
Bashkia dhe shoqëria civile.
Raporte, studime dhe vlerësime mbi zbatimin e Programit të transparencës.
Strukturat komunitare

Fusha 8: Këshilli Bashkiak

Informacion rreth këshilltarëve:
Informacion rreth komisioneve:
Kadri rregullator i këshillit NJVV:
Mbledhjet e këshillit:
Konsultimet publike:
Vendimet e Këshillit të NJVV
Kërkesat dhe përgjigjet drejtuar Këshillit NJVV
Veprimtaria e Këshillit, Komunikimi me Publikun dhe aspekte të tjera:

**Drejtoresha e Burimeve Njerezore dhe e
Shërbimeve Mbeshtetëse
Amalia Millo**



REPUBLIKA E SHQIPËRISË
BASHKIA DROPULL
KRYETARI



Nr. Prot

Jergucat më /05/ 2026

Lënda: Dërgohet material për shqyrtim e miratim.

Znj. Donika BAUÇI

KRYETARE E KËSHILLIT BASHKIAK DROPULL

E nderuar zonja Kryetare,

Për Miratimin e Programit Model të Transparencës për Bashkinë Dropull

Me respekt,

K R Y E T A R I

Dhimitraq TOLI

Miratoi:

Panajot Dhefto: Nënkyeatarë Ekonomik

Konceptoi:

Konceptoi Amalia Millo Drejtore e Burimeve Njerëzore

Datë: ___/05/2026

Nr. i faqeve A4 të projekt-vendimit: 8 (tete)

Nr. i faqeve A4 të relacioni shoqërues: 2 (dy)

Nr. i fletëve të dokumenteve që shoqërojnë projekt vendimin: 0



REPUBLIKA E SHQIPËRISË
BASHKIA DROPULL
KËSHILLI BASHKIAK



Nr. Prot

Jergucat më / / 2026

Projekt Vendim

Nr. ___ Date / / 2026

**Për dhenien e miratimit per marrjen me qira të godinës së ish-shkollës
Goranxi, me qëllim shndërrimin e saj në Qendër Kulturore dhe Seli
Komunitare**

Këshilli i Bashkisë Dropull, në mbledhjen e tij të datës ___ / ___ / 2026, me propozim të Kryetarit të Bashkisë, mbështetur në ligjin nr. 139/2015 “Për vetëqeverisjen vendore”, në Rregulloren e Këshillit Bashkiak Dropull, VKM Nr. 249, datë 06.03.2009 “Për Miratimin E Listës Përfundimtare Të Pronave Të Paluajtshme Publike, Shtetërore, Që Transferohen, Në Pronësi Ose Në Përdorim, Të Komunës Dropull I Poshtëm, Të Qarkut Të Gjirokastrës” dhe VKM nr 54 date 5.5.2014 " Per percaktimin e kriterëve, te procedures dhe dhenies me qira, enfiteoze apo kontrata te tjera te pasurise shteterore"

VENDOSI

1. Dhenien e miratimit per marrjen me qira te godines se ish shkolles Goranxi me qellim shnderrimin e saj ne Qender Kulturore dhe Seli Komunitare
2. Për zbatimin e këtij vendimi ngarkohet Kryetari i Bashkisë dhe strukturat kompetente perkatese
3. Ky vendim hyn ne fuqi 10 dite mbas shpalljes publike (sipas përcaktimeve të nenit 55, pika 6 te ligjit nr.139/2015” Për Vetëqeverisjen Vendore”).

**Kryetare
Donika Bauçi**



REPUBLIKA E SHQIPËRISË
BASHKIA DROPULL



RELACION

**Për dhenien e miratimit per marrjen me qira të godinës së ish-shkollës
Goranxi, me qëllim shndërrimin e saj në Qendër Kulturore dhe Seli
Komunitare**

Këshilli i Bashkisë Dropull, në mbledhjen e tij të datës ___ / ___ / 2026, me propozim të Kryetarit të Bashkisë, mbështetur në ligjin nr. 139/2015 “Për vetëqeverisjen vendore”, në Rregulloren e Këshillit Bashkiak Dropull, VKM Nr. 249, datë 06.03.2009 “Për Miratimin E Listës Përfundimtare Të Pronave Të Paluajtshme Publike, Shtetërore, Që Transferohen, Në Pronësi Ose Në Përdorim, Të Komunës Dropull I Poshtëm, Të Qarkut Të Gjirokastrës” dhe VKM nr 54 date 5.5.2014 " Per percaktimin e kriterëve, te procedures dhe dhenies me qira, enfiteoze apo kontrata te tjera te pasurise shteterore"

Prona në shqyrtim ndodhet në fshatin Goranxi dhe përfshin godinën e ish-shkollës 8-vjeçare, së bashku me hapësirën përreth saj. Prona është e regjistruar me numër pasurie 32/555, në zonën kadastrale 1803, me sipërfaqe totale trualli 1.890 m² dhe sipërfaqe ndërtese 526 m².

Godina është përdorur për shumë vite për qëllime arsimore dhe ka funksionuar nën administrimin e Drejtorisë Arsimore të Gjirokastrës. Pas ndërprerjes së funksionit të saj si institucion arsimor, prona ka mbetur jashtë funksionit dhe nuk shërben më për destinacionin fillestar për të cilin është ndërtuar.

Sipas Vendimit të Këshillit të Ministrave nr. 249, datë 06.03.2009, si edhe Regjistrin të Pasurive të Paluajtshme të ish-Komunës së Dropullit të Poshtëm, prona është transferuar në pronësi të Bashkisë Dropull.

Hapësira përreth godinës ofron mundësi të mjaftueshme për zhvillimin e aktiviteteve kulturore, sociale dhe komunitare, ndërsa pozicioni dhe konfigurimi i saj lejojnë krijimin e ambienteve funksionale dhe të hapësirave të jashtme në shërbim të komunitetit lokal.

Sipas kërkesës së paraqitur, propozohet realizimi i veprimeve të mëposhtme: Shfrytëzimi i kësaj godine pritet të kontribuojë:

- Rikualifikimin e godinës si Qendër Kulturore
- Krijimin e një Selie Komunitare për aktivitete sociale, artistike dhe kulturore
- Organizimin e ekspozitave, aktiviteteve edukative, seminareve dhe eventeve kulturore
- Përdorimin e hapësirave për promovimin e trashëgimisë kulturore lokale

Ky propozim synon rigjallërimin e jetës komunitare në zonë, rritjen e aktivitetit kulturor dhe forcimin e identitetit lokal në rigjallërimin e jetës kulturore të zones.

Bazuar në sa më sipër, dhe duke vlerësuar se kjo nismë i shërben interesit publik dhe zhvillimit kulturor të zonës, i propozohet Këshillit Bashkiak miratimi në parim i dhënies me qira të godines se ish Shkolles Goranxi. Vazhdimi dhe realizimi i procedurave perkatese do te zhvillohet sipas percaktimeve te VKM nr 54 date 5.5.2014 " Per percaktimin e kriterëve, te procedures dhe dhenies me qira, enfiteoze apo kontrata te tjera te pasurise shteterore".

K R Y E T A R I

Dhimitraq TOLI



BASHKIA DROPULL
KRYETARI



Nr. Prot

Jergucat më // 2026

Lënda: Dërgohet material për shqyrtim dhe miratim.

Znj. Donika BAUÇI

KRYETARE E KËSHILLIT BASHKIAK DROPULL

E nderuar zonja Kryetare,

Bashkëngjitur po ju dërgojmë projekt vendimin, dhe relacionin shoqërues për:

**Për dhenien e miratimit per marrjen me qira të godinës së ish-shkollës Goranxi,
me qëllim shndërrimin e saj në Qendër Kulturore dhe Seli Komunitare**

Me respekt,

K R Y E T A R I

Dhimitraq TOLI

Miratoi:

Panajot Dhefto: Nënkrueatari Ekonomik

Ervin Llahana: Jurist

Konceptoi:

Evridhiqi Drapo: Specialiste e Kulturës, Arsimit dhe Sportit

Datë: / /2026

Nr. i faqeve A4 të projektvendimit: 1 (një)

Nr. i faqeve A4 të relacioni shoqërues: 1 (një)

Nr. i fletëve të dokumenteve që shoqërojnë projekt vendimin: 2 (dy)



REPUBLIKA E SHQIPËRISË
BASHKIA DROPULL
KËSHILLI BASHKIAK



Nr. Prot

Jergucat më / / 2026

Projekt Vendim

Nr. ___ Date / /2026

Për miratimin e vendosjes se busteve te mjekeve Arqile Boti dhe Aleksander Kalivopulli ne fshatin Bularat, Bashkia Dropull

Këshilli i Bashkisë Dropull, në mbledhjen e tij të datës ___ / ___ / 2026, ne baze te kerkeses te Kryesise te fshatit Bularat dhe me propozim te Kryetarit te Bashkise mbeshtetur ne nenin 54 te ligjit nr 139/2015 "Per vetqeverisjen vendore" ne Rregulloren e Keshillit Bashkiak Dropull, ne ligjin nr 107/2014 "Per planifikimin dhe zhvillimin e territorit " si dhe ne VKM Nr. 224, datë 1.4.2026 "Per miratimin e Rregullores se Shfrytezimit te Hapesires Publike"

VENDOSI

1. Miratimin e vendosjes se busteve te mjekeve Arqile Boti dhe Aleksander Kalivopulli ne fshatin Bularat, Bashkia Dropull.
2. Busti do të realizohet sipas projektit artistik të miratuar nga strukturat kompetente dhe në përputhje me legjislacionin në fuqi për monumentet, veprat artistike dhe administrimin e hapësirave publike.
3. Ngarkohet Drejtoria e Kulturës / Drejtoria e Urbanistikës / Drejtoria e Shërbimeve Publike për ndjekjen dhe zbatimin e këtij vendimi.
4. Ky vendim hyn në fuqi 10 ditë mbas shpalljes publike (sipas përcaktimeve të nenit 55 ,pika 6 te ligjit nr.139/2015” Për VetëqeverisjenVendore”).

**Kryetare
Donika Bauçi**



REPUBLIKA E SHQIPËRISË
BASHKIA DROPULL

RAPORTI I MONITORIMIT TË ZBATIMIT
TË BUXHETIT PËR 4-MUJORIN- I, 2026.

Përmbajtja e Raportit

- 1. Hyrje, profili i Bashkisë, sfidat.**
- 2. Përshkrim i përgjithshëm mbi procesin e monitorimit të buxhetit për 4-mujorin 2026.**
- 3. M1. Raporti i shpenzimeve Plan-Fakt sipas programeve.**
- 4. M2. Raporti i shpenzimeve të programeve sipas artikujve buxhetore.**
- 5. M3. Raporti i shpenzimeve sipas produkteve.**
- 6. M4. Raporti i realizimit të investimeve.**
- 7. M5. Raporti i realizimit të të ardhurave.**
- 8. Relacionet shpjeguese.**

HYRJE.

Profili i Bashkisë

Bashkia Dropull, është pjesë e Qarkut Gjirokastr dhe kufizohet në veri me bashkinë Libohovë, jug dhe juglindje me Republikën Helene, perëndim me bashkinë Finiq.

Kjo bashki përbëhet nga tre njësi administrative, të cilat janë: Dropull i Poshtëm me qendër fshatin Sofratikë, Dropull i Sipërm me qendër fshatin Vrisera dhe Pogon me qendër fshatin Polican. Të tri njësitë administrative kanë nën administrimin e tyre 41 fshatra.

Qendra e Bashkisë është fshati Jorgucat.

Sipas regjistrimit të gjendjes civile, datë 01.01.2026, numëron 21.942 banorë, i ndarë sipas njësive administrative: Dropulli i Sipërm 9933 banorë, Dropull i Poshtëm 9081 banorë dhe Pogon 2928 banorë. Ndersa, sipas censurit të vitit 2023, numri i popullsisë rezidente është 8259 banorë.

Bashkia Dropull shtrihet në një sipërfaqe prej 466.67 km², me një densitet të popullsisë, prej 47 banorë/km².

Bashkia e Dropullit përbëhet nga pjesëtarë të komunitetit etnik grek në Shqipëri.

Bashkia e Dropullit ruan një pasuri të rrallë etno-kulturore. Zona ka ruajtur dhe transmetuar ndër shekuj filllokseninë (mikpritjen), gjuhën, artin dhe qytetërimin helen, vallet e bukura, polifoninë, kostumet e pasura, motivet epirote të klarinetës, kishat dhe manastiret, sitet arkeologjike, arkitektoninë karakteristike, punimet e gurit, artizanatin, zejet, përpunimin e produkteve bujqësore e blegtorale, gastronominë, etj.

Sipas regjistrimit statistikor të INSTAT, realizojnë aktivitetin e tyre në teritorin e Bashkisë Dropull 306 Ndermarrje, ku ato me status person juridik, zenë 12.8% të numrit total në rang Qarku, me status person fizik 6.1% dhe fermeret 4.9%.

Funksionojnë 4 (kater) kopshte publike fëmijësh dhe 2(dy) shkolla të mesme të bashkuara(publike), ku gjatë vitit shkollor 2025-2026, janë frekuentuar nga 45 femije në kopshte, 148 nxënës në arsimin 9-vjeçar dhe 78 nxënës në arsimin e mesëm.

Sipërfaqja e tokës së punëshme(bujqësore) është 8308.7 ha, prej së cilës kultivohet 2917 ha. Egzistojnë 213 ferma blegtorale dhe bujqësore, në të cilat mbarështohen 870 gjedhë, 12000 te imta, 23000 shpendë dhe 2800 koshere blete. Administron 19 rezervuarë ujëmbajtës për vaditjen e kulturave bujqësore me kapacitet inventarizues 4441 ha, prej të cilave ujiten vetëm 502 ha. Është plotësuar me rrjet kanalesh kullues një sipërfaqe prej 5934 ha.

Bashkia Dropull administron një sipërfaqe kullimore prej 11508 ha, me kapacitet mbajtës, e ndarë në kullota verore për 16338 krerë te imta dhe kullota dimërore 7894 krere. Po kështu disponon dhe administron një sipërfaqe pyjore prej 10.099 ha, që krahas të tjerave disponohet edhe për kullotë pyjore për 18.500 krerë. Për plotësimin me ujë të pijshëm të nevojave të blegtorisë janë në inventar 20 ujëmbledhës të vegjël malorë.

Sfidat me të cilat përballet pushteti vendor:

Rritja e aksesueshmërisë dhe integrimi territorial, si në nivel makro dhe atë mikro, ndërtimit dhe mirëmbajtjes së veprave infrastrukturore të artit, si urat, rrugët, përmirësimi i menaxhimit të reziqeve natyrore nëpërmjet shtimit të pyllëzimit, mbrojtjes së argjinaturave të lumenjve, sistemimin e pritave dhe përenjve etj.

Integrimi në rajonin ekonomik ndërkufitar përmes zhvillimit dhe diversifikimit të ekonomisë lokale, pjesëmarrjes në projekte evropiane ndërkufitare, afrimit dhe ndërtimit të aktiviteteve të përbashkëta, në interes të komunitetit dhe zhvillimit të turizmit.

Ruajtja e karakterit rural të vendbanimeve, promovimi i traditës, ruajtja e ekosistemit, mjedisit me synim përmirësimin e cilësisë dhe kushteve të jetesës të komunitetit.

Mbrojtja e territorit, e peisazhit dhe habitateve natyrore, si dhe rehabilitimi i veprave infrastrukturore, hartimi i planeve të mbrojtjes civile, menaxhimit të burimeve ujore në vaditjen e kulturave bujqësore për përballimin e thatësirës gjatë periudhës së verës.

Zhvillimin me prioritet të Turizmit, promovimin e paketave lokale turistike në bashkëpunim me aktorë rajonalë dhe kufitarë, nxitjen dhe mbështetjen e bizneseve turistike, duke garantuar rritjen e zhvillimit ekonomik dhe krijimin e të ardhurave shtesë, për rritjen e nivelit të shërbimeve vendore.

Krijimin e kushteve për nxitjen e kthimit dhe riintegrimin e emigrantëve, duke rritur sasinë dhe cilësinë e shërbimeve, krijimin e një mjedisi social miqësor, nxitjen dhe mbështetjen me projekte për punësim dhe biznes, përkrahjen e inisiativave të aktorëve shoqërorë për këtë qëllim, etj.

Garantimin e sigurisë publike, rruajtjen nga vjedhjet dhe dëmtimet të pronës private e publike, mbarëvajtjes së marrëdhënieve në komunitet, duke krijuar një klimë miqësore për biznesin, emigrantët dhe turizmin, sidomos kjo në zonat e thella në Njësitë Administrative Dropull i Sipërm dhe gjithë Njësinë Administrative Pogon.

Të sigurojë kushte jetese dinjitoze për moshën e tretë dhe kujdesin social për individët dhe familjet në nevojë nëpërmjet realizimit të objektivave kombëtarë për moshimin (ndërtimin e një Qendre Rezidenciale për të moshuar), mbështetjen e familjeve dhe individëve në nevojë, akses në shërbimet e Bashkisë, sidomos në fshatrat e thella, si edhe aplikimit dhe përfitimit nga projektet kombëtare dhe evropiane për këtë qëllim.

Përmirësimin e vazhdueshëm të infrastrukturës së institucioneve arsimore, qendrave shëndetësore, abulancave të fshatrave, kujdes shëndetësor me ekip të lëvizshëm, duke qenë se zonat banohen nga moshat të medha, që kanë nevojë për asistencë dhe shërbime të vazhdueshme mjekësore. Zhvillimin e sektorit Parësor dhe profilaktik, nëpërmjet krijimit të 3 Qendrave për promovimin e shëndetit të komunitetit dhe shërbime parësore, diagnostifikuese, etj.

Menaxhimi i mbetjeve urbane, duke e shtrirë shërbimin në 100% të territorit, duke krijuar kushte për riciklimin e tyre dhe venddepozitimin sipas standarteve më të përparuara, duke e kombinuar me politikat rajonale dhe kombëtare për këtë qëllim.

Përshkrim i përgjithshëm mbi procesin e monitorimit të zbatimit të buxhetit.

Në mbështetje të Udhëzimit të Ministrisë së Financave, nr.22 datë 30.07.2018 “Mbi procedurat standarte të monitorimit të buxhetit të njësisve të vetqeverisjes vendore”, nga ana jonë janë përcaktuar me Vendimin e Këshillit të Bashkisë Nr.67, datë 17.12.2025, “Për miratimin e kalendarit të PBA 2027-2029, si edhe afatet dhe përgjegjësitë, lidhur me monitorimin e zbatimit të buxhetit për vitin 2026”. Gjithashtu me Vendimin nr.02, datë 19.01.2026, të Kryetarit të Bashkisë, pranë institucionit tonë është ngritur Grupi i Menaxhimit Strategjik(GMS), si dhe janë caktuar drejtuesit dhe përbërja e Ekipeve të Menaxhimit të Programeve(EMP).

Me shkresën Nr.113 prot. datë 19.01.2026, Ju është dërguar të gjithë EMP-ve, Buxheti i vitit 2026; kalendarit i PBA 2027-2029, i monitorimit të tij, si dhe Vendimi i Kryetarit mbi përbërjen e GMS dhe EMP-ve.

Nga ana e GMS, në mbledhjen e zhvilluar datë 22.05.2025, është vlerësuar situata aktuale, realizimi i produkteve dhe aktiviteteve të kësaj periudhe dhe masat që janë ndermarrë për të ardhmen. Gjithashtu është raportuar nga ana e drejtuesve të EMP, lidhur me monitorimin e zbatimit të buxhetit për periudhën e 4-mujorit të vitit 2025, duke bërë krahasimin e treguesve të të ardhurave dhe shpenzimeve me planin dhe me të njëjtën periudhë të vitit 2024, si edhe sa dhe si janë arritur dhe realizuar qëllimi, objektivat dhe treguesit për çdo program. Gjithashtu në këtë mbledhje është paraqitur edhe problematika lidhur me kordinimin më të mirë të bashkëpunimit midis drejtuesve të programeve me kordinatorin dhe sekretarin e GMS.

Mbi bazën e materialeve të paraqitura në GMS, është hartuar sipas udhëzimit, të cituar në krye të rubrikës, Raporti i Monitorimit të Zbatimit të Buxhetit të periudhës 4-mujore të vitit 2026, për të cilin po Ju informojmë, sot, në mbledhjen e radhës të muajit Maj.

Të gjitha shpenzimet e realizura gjatë kësaj periudhe, në të gjitha programet e shpenzimeve që zbaton Bashkia jonë, janë brenda limitit të miratuar të shpenzimeve të çdo programi.

Është bërë krahasimi i këtyre treguesve faktike me periudhën analoge të vitit të kaluar si dhe me treguesit e planifikuar për këtë periudhë. Gjithashtu janë plotësuar në SMBV të gjitha rubrikat e monitorimit për periudhën Janar-Prill 2026, nga MON1 – MON5.

Nga ky proces i zhvilluar, **u pa e domosdoshme**, në këtë periudhë, marrja e masave dhe veprimeve korigjuese për rishpërndarje të fondeve buxhetore midis programeve, në funksion të mbylljes së aktivitetit financiar të vitit 2024 dhe korigjimit të nivelit të shpenzimeve të trashëguara. Kjo u bë në funksion të arritjes së qëllimit dhe objektivave të çdo programi buxhetor, si dhe përmbushjes së detyrimeve për projektet e huaja (Kapitulli 2), por edhe të nevojave të reja lidhur me prioritetet e investimeve, por edhe përfshirjes në buxhet të ndryshimeve në rritje të pagave për punonjësit mbështetës dhe punëtorët e shërbimeve publike, etj. Konkretisht me vendimin nr.09, datë 27.02.2026, të Këshillit të Bashkisë janë bërë ndryshime në lidhje me buxhetin e miratuar, **duke shtuar të ardhurat** me 69.621,5 mijë lek, ku:

1394,5 mijë lek, shtesë për të ardhurat nga projektet e huaja, të trashëguara nga viti 2025 (Kap. 2);

68.227 mije lek, stesë nga transferta e pakushtezuar e trashëguar nga viti 2025, (Kapitulli 1)

Në kushtet ku sipas ligjit, Buxheti i Njësisve të Qeverisjes së Përgjithshme duhet të jetë i ballancuar, për të gjitha të ardhurat shtesë, kemi planifikuar dhe miratuar shpenzime shtesë. Nga ana e Grupit Menaxhim, Strategji (GMS), ne takimin e dates 20.02.2025, bazuar në udhëzimet dhe legjislacionin përkatës, ku përcaktohen prioritetet e harxhimit të shpenzimeve në NJ.V.V., **është konkluduar që këto shpenzime, të drejtohen në:**

1. Investime për kontratat në proces, që nuk u arritën të realizohen plotësisht gjatë vitit 2024.
2. Investime shtese në vepra prioritare për vitin 2025, si edhe të tjera që bejnë të mundur realizimin e investimeve , që kemi planifikuar për 2025.
3. Per te mbeshtetur, kërkesat që nuk arritëm ti përfshinim në buxhetin e vitit 2025, sidomos ato për rritjen e pagave të punëtorëve dhe punonjësve mbështetës.

RELACIONE SPJEGUESE.

Realizimi i te ardhurave.

Për qëllim të këtij informacioni gjatë kësaj periudhe, do të analizojmë vetëm realizimin e të ardhurave nga burimet e veta (të ardhura tatimore dhe jo tatimore), duke përfshirë të ardhurat e trashëguara, grantin e pakushtëzuar dhe transfertat specifike, pasi të tria këto zera të të ardhurave planifikohen në mënyrë konstante, për periudha kohore dhe realizimi i tyre është i plotë.

Kështu, gjatë periudhës 4-mujore të vitit 2026, realizojmë një total të ardhurash nga burimet tona në masën 21.513,5 mijë lek, ose 27,7% të planit vjetor të të ardhurave, prej 77.659 mijë lek. Në krahasim me planin e periudhes realizimi është 110%, ose 2.018 mijë lek më tepër.

Ndërsa në krahasim me të njëjtën periudhë të vitit të kaluar (4-mujori i parë i vitit 2025), realizimi paraqitet 92%, ose 1858 mijë lek me pak. Tek kjo e fundit, ndikimin kryesor e ka dhënë mosrealizimi në këtë periudhë të tarifës për shërbimet administrstive të Bashkisë në masën 1969 mijë lek, të ardhura nga pagesa e Bashkisë Finiq për pjesën e shpenzimeve takuese të Drejtorisë së Auditimit, shumë e cila ka kaluar në llogari të Institucionit tonë në datën 4 Maj dhe nuk mund të jetë pjesë e kësaj analize. pasi të gjitha zërat e tjera të të ardhurave tejkalohen, kështu të ardhurat nga taksat lokale realizohen 102,7%, nga taksat e ndara 118%, nga tarifrat 120,4% dhe të tjera 296%.

Për shkak të analizës së një periudhe fillim vitit dhe të vogël, siç është 4-mujori i parë, vërejmë se **tejkalimi i disa taksave dhe tarifave vendore për këtë periudhë**, si taksa e ndërtesës, taksa mbi truallin, taksa e e tabelës, taksa mbi të ardhurat personale, tarifa për menaxhimin e mbetjeve për bizneset, tarifa e ndriçimit, në krahasim me planin, ka ardhur si rezultat i shlyerjes së një pjese të këtyre detyrimeve, në masë vjetore, në një këst të vetëm, nga ana e një pjese të biznesit që operon në teritorin e Bashkisë tonë.

Me mosrealizime të vogla për këtë periudhë, paraqiten taksa mbi tokën bujqësore, taksa vendore për shërbimin hotelier,tarifa e menaxhimit të mbetjeve nga familjet,tarifa e shërbimeve administrative, tarifa për pyjet dhe kullotat dhe kundravajtjet administrative dhe gjobat.

Duke qënë se analizojmë një periudhë të vogël të pjesës së parë të vitit ushtrimor, realizimi i të ardhurave dhe puna efektive e administrates do shikohet me ecurinë e mëtejshme dhe realizimin progresiv të tyre, sidomos në periudhën në vazhdim, me intesifikimin e lëvizjeve ndërkufitare gjatë muajve të verës. Është momenti, që gjatë kësaj periudhe dhe në vazhdim të shtohen përpjekjet në të gjitha Drejtoritë që vjelin të ardhurat nga shërbimet që u ofrohen komunitetit, biznesit dhe fermerëve, sidomos me përfundimin e kontratave për kullotat verore, me nisjen e hartimit të kontratave për vaditjen e kulturave bujqësore të fermerëve, duke mundësuar në këtë mënyrë realizimin vjetor të këtyre zërave, si, **tarifë për pyje dhe kullota, tarifa për shërbimin e ujitjes dhe kullimit, të ardhura nga shitja e mallrave dhe aseteve fikse, të ardhura nga qiraja për tokat bujqesore, etj.** Po kështu rritja e kërkeses së llogarisë dhe bashkëpunimit me agjentët tatimorë (zyrat postare) dhe të gjithë subjektet e të ardhurave nga tarifrat do të mundësojë realizimin e planit vjetor të tyre.

Realizimi i detajuar i të ardhurave paraqitet tek Aneksi përkatës i Raportit të të ardhurave sipas llojit në 000/Lek.

NR	LLOJI I TE ARDHURES	Fakti 2025	plani 2026	Fakti 2026	DIF2026	DIF2026/2025
		Janar/Prill	Janar/Prill	Janar/Prill	pl/fk	
A	TE ARDHURA NGA BURIMET E VETA	23.372	19.496	21.514	2.018	-1.858
A.1	TE ARDHURA NGA TAKSAT LOKALE	9.056	7.660	9.322	1.662	266
A.1.1	TATIMI THJESHTUAR MBI FITIMIN E BIZNESIT TE VOGEL				0	0
A.1.2	TAKSA MBI PASURINE E PALUAJSHME				0	0
A.1.2.1	TAKSA MBI NDERTESEN	5.146	4.300	4.905	605	-241
A.1.2.2	TAKSA MBI TOKEN BUJQESORE	1.425	1.450	1.351	-99	-74
A.1.2.3	TAKSA MBI TRUALLIN	1.980	1.200	1.708	508	-272
A.1.3	TAKSA VENDORE NE SHERBIMIN HOTELIER	0	60	0	-60	0
A.1.4	TAKSA E NDIKIMIT NE INFRASTRUKTURE NGA NDERTIMET E REJA	274	350	845	495	571
A.1.5	TAKSA E TABELES	231	300	513	213	282
A.2	TE ARDHURA NGA TAKSAT E NDARA (GRANTE)	2.048	1.850	2.183	333	135
A.2.1	TAKSA MBI KALIMIN E TE DREJTES SE PRONESISE/PASURITE E PALUAJTSHME	11			0	-11
A.2.2	TAKSA VJETORE PER QARKULLIMIN E MJETEVE TE PERDORURA	1.758	1.700	1.732	32	-26
A.2.3	TAKSA E RENTES MINERARE				0	0
A.2.4	TAKSA MBI TE ARDHURAT PERSONALE	279	150	451	301	172
A.2.5	TAKSA TE TJERA				0	0
A.3	TE ARDHURA NGA TARIFAT VENDORE	11.823	9.836	9.854	18	-1.969
A.3.1	TARIFA ME MENAXHIMIN E MBETJEVE				0	0
A.3.1.1	TARIFA E PASTRIMIT PER FAMILJET	1.092	1.157	986	-171	-106
A.3.1.2	TARIFA E PASTRIMIT PER INSTITUCIONET	240	240	240	0	0
A.3.1.3	TARIFA E PASTRIMIT PER BIZNESIN	6.483	4.667	5.993	1.326	-490
A.3.2	TARIFA PER NDRICIM PUBLIK	765	480	732	252	-33
A.3.3	TARIFA PER SHERBIMET ADMINISTRATIVE TE BASHKISE				0	0
A.3.3.1	TARIFA PER SHERBIMET ADMINISTRATIVE TE BASHKISE	1.415	1.100	45	-1.055	-1.370
A.3.4	TARIFA TE KONTROLLIT TE ZHVILLIMIT TE TERRITORIT				0	0
A.3.5	TARIFE PER RREGJISTRIM BIZNESI	13	10	20	10	7
A.3.6	TARIFA VENDORE PER URBANISTIKEN	103	104	96	-8	-7
A.3.7	TARIFA E LICENSIMIT TE VEPRIMTARIVE TE TRANSPORTIT	124	130	212	82	88
A.3.8	TARIFA E PARKIMIT PER MJETET E LICENSUARA DHE VENDPARKIME PUBLIKE	10	30	65	35	55
A.3.9	TARIFA PER DHENIE LICENSE PER TREGETIMIN E NAFTAES BRUTO DHE NENPRODUK	245	200	200	0	-45
A.3.10.	TARIFA PER PYJET DHE KULLOTAT	1.072	1.368	808	-560	-264
A.3.11.	TARIFA PER SHERBIMET SHITES NGA ZJARREFIKESJA	21	60	40	-20	19
A.3.12.	TARIFE PER ZENIEN E HAPESIRES PUBLIKE				0	0
A.3.13.	TARIFA PER SHERBIMIN E UJITJES DHE KULLIMIT				0	0
A.3.14.	TARIFA TE TJERA(sh/v)	240	290	417	127	177
A.4	TE ARDHURA TE TJERA	445	150	155	5	-290
A.4.1	QERAJA NGA ASETET NE PRONESI TE BASHKISE	94	100	114	14	20
A.4.2	SHITJA E MALLARAVE DHE SHERBIMEVE				0	0
A.4.3	KUDRAVJATJET ADMINISTRATIVE(GJOBAT)	43	50	21	-29	-22
A.4.4	GRANTE DHE NDIHMA NDERKOMBETARE				0	0
A.4.5	SHITJA E ASETEVE FINANCIARE				0	0
A.4.6	SHITJA E ASETEVE FIKSE TE PREKSHME/ PAPAREKSHME	252			0	-252
A.4.7	TE TJERA	56		20	20	-36
					0	0

Realizimi i shpenzimeve.

Gjatë 4-mujorit të parë të vitit 2026, është realizuar një buxhet shpenzimesh në nivel më të lartë, në krahasim me të njëjtën periudhë të vitit të kaluar (4-mujori 2025), për totalin e programeve buxhetore që menaxhon Bashkia jonë nga burimet e veta. Kështu, ky nivel paraqitet në masë absolute 102.175 mijë lek, ose 137,5%, kundrejt 4/mujorit 2025. Por, gjithashtu është e natyrshme, që në këtë fazë të monitorimit të buxhetit, në krahasim me planin e periudhës, realizimi i shpenzimeve është më i ulët (85.8%), ose 16.918 mijë lek më pak. Në total, gjatë kësaj periudhe realizojmë 22,8 % të shpenzimeve të buxhetit fillestar vjetor dhe 19,74%, atij vjetor të rishikuar, (Pasi në buxhetin e rishikuar kemi përfshirë shtesat buxhetore, të kryera gjatë muajit Shkurt, për të trashëguarat dhe projektet e huaja, me vendim të Këshillit Bashkiak).

Kështu në mënyrë të përmblodhur realizimi i shpenzimeve sipas programeve për 4-mujorin , paraqitet si më poshtë:

Raporti: M1 - Shpenzimet e Programeve: Fakt – Plan (Janar - Prill 2026)

NJVQV: 452 - Bashkia Dropull

Viti: 2026

Vlerat paraqiten në: ALL

Programi		2025	2026 (Janar - Prill)			Ndryshimi (%)	
Kodi	Emrëtimi	Fakti	Buxheti Fillestar	Buxheti i Rishikuar	Fakti	Fakti vs. Fillestar	Fakti vs. Rishikuar
01110	Planifikimi, Menaxhimi dhe Administrimi	92,712,590	103,977,029	104,883,836	30,057,530	28.91%	28.66%
03140	Shërbimet e Policisë Vendore	5,938,470	7,107,916	7,107,916	1,908,080	26.84%	26.84%
03280	Mbrojtja nga zjarri dhe mbrojtja civile	21,296,580	27,478,323	23,425,982	5,825,420	21.20%	24.87%
04240	Menaxhimi i ujëtjes dhe kullimit	9,940,010	34,786,358	48,001,324	9,865,468	28.36%	20.55%
04260	Menaxhimi i pyjeve dhe kullotave	11,494,230	16,190,598	15,581,978	4,136,230	25.55%	26.54%
04520	Rrjeti Rrugor Rural	37,804,150	80,011,089	122,046,486	19,438,670	24.29%	15.93%
04910	Fondi Rezerve	0	4,457,000	4,457,000	0	0.00%	0.00%
04940	Fondi Kontigjence	0	2,000,000	2,000,000	0	0.00%	0.00%
05100	Menaxhimi i mbetjeve	24,827,720	54,207,290	73,545,509	8,783,430	16.20%	11.94%
06260	Sherbimet Publike Vendore	13,925,340	27,182,739	20,197,565	4,429,400	16.29%	21.93%
07220	Sherbimet e Kujdesit Paresor	0	21,018,742	20,849,018	0	0.00%	0.00%
08220	Trashëgimia kulturore, monumentet, muzetë dhe bibliotekat	11,384,570	14,349,739	15,087,750	4,169,520	29.06%	27.64%
09120	Arsimi bazë përfshirë sistemin e arsimit parashkollorollorin)	6,727,470	6,840,551	7,137,995	2,051,170	29.99%	28.74%
09230	Arsimi i mesëm i përgjithshëm	9,620,050	17,950,182	18,954,887	7,160,171	39.89%	37.77%
10430	Kujdesi social për familjet dhe fëmijët	13,225,260	20,669,444	34,339,726	4,349,986	21.05%	12.67%
10661	Strehimi social	955,800	9,850,000	81,600	0	0.00%	0.00%

Siç shihet nga tabela e mësipërme, realizimi i shpenzimeve të programeve buxhetore për 4-mujorin Janar-Prill 2026, kundrejt planit vjetor të rishikuar, varion nga 16,2% për programin e Menaxhimit të mbetjeve, deri në 39,9% për programin e arsimit të mesëm. Këto përqindje janë edhe në varësi të strukturës së shpenzimeve, ku në qoftë se i referohemi dy programeve të mësipërme, i pari ka realizim të ulët të shpenzimeve për projektet e huaja dhe shpenzimeve materiale (10,4%), ndërsa i dyti ka realizim të lartë të shpenzimeve për investime (61,7%).

Ne qofte se analizojme ecurine e **shpenzimeve nga burimet e veta**, sipas grup-artikujve, d.m.th. shpenzime per paga dhe sigurime shoqerore; shpenzime per mallra dhe sherbime te tjera; transferta tek te tjeret dhe individe dhe studime, projekte dhe investime (600+601; 602; 604; 606; 230-231), do te kemi panoramen e meposhtme:

Klasifikimi i shpenzimeve të realizuara për 4-mujorin 2026, nga burimet e veta sipas artikujve, (000/LEK)

		Plan i rishikuar i 4-Mujorit	Fakt	%
600	Pagat	56926	52527,49	92,3
601	SigurimeShoqerore	9507	8741,42	91,9
602	Shp.Operative	17966	12868,47	71,6
230/231	Investime	31425	25508,7	81,2
606	Kujdesi per individet	2069	1829	88,4
604/609	Transferta të brendshme, emergjenca	1200	700	58,3
	Projekte te huaja		0	x
	TOTALI	119093	102175	85,8

Në realizimet e shpenzimeve në krahasim me planin (buxhetin), sipas artikujve (600, 601, 602, 604,606 dhe 230, 231), vërrehet se kemi një realizim të shpenzimeve për paga, sigurime shoqërore dhe kujdesi për individë, por relativisht me mosrealizime te vogla paraqiten shpenzimet për transferta te brendshme, emergjenca, investime dhe ato për mallra dhe shërbime.

Realizimet e shpenzimeve për investime për 4-mujorin 2026, janë për veprat që trashëguam nga viti 2025, si Rehabilitimi i kanalit vaditës nga Rezervuari i Pepelit, Rikonstruksioni i rrugëve të brendshme të fshatrave të Bashkisë dhe Pjesëmarrje në Ndërtim palestre+ rikonstruksioni i Shkollës së Mesme të Bashkuar Dervician.

Po kështu realizimi i shpenzimeve në artikullin 606, që ka të bëjë me shpenzimet e kujdesit për individët, familjet paraqitet i kënaqshëm (88%), ndërsa artikujt 604 dhe 609 transfertat lidhur me detyrimet buxhetore të Bashkisë për akademinë sportive, shoqatat kulturore dhe fondi rezervë, fondi i emergjencës), janë në nivel më të ulët,pasi ato përdoren për të financuar aktivitete, që nuk mund të parashikoheshin në kohën e hartimit të buxhetit, pasi përdorimi i këtyre fondeve realizohet me transferime buxhetore në programet e tjera.

Po të shikojmë realizimin e shpenzimeve sipas programeve mund të identifikojmë analiza, tendenca dhe problematika, si më poshte :

Në programin planifikim menaxhim,administrim (01110), Qëllimi i këtij Programi është të përmirësojmë transparencën në administratën e Bashkisë, të risim përgjegjshmërinë e saj, si edhe shërbime cilësore ndaj qytetarëve, duke nxitur pjesëmarrjen e tyre me iniciativa dhe rekomandime në ushtrimin e funksioneve të Bashkisë. Kjo e fundit do të realizohet nëpërmjet objektivit të rëndësishëm të materializimit, pra të përfshirjes së këtyre iniciativave dhe propozimeve qytetare në vendimet e Këshillit Bashkiak, në Urdhërat e Kryetarit, si edhe në Rregulloret dhe veprimtaritë e tjera.

Gjithashtu efikasiteti dhe transparenca në punën e administratës, që përkthehet në rritjen e shërbimeve ndaj qytetarit, ndaj komisioneve të Këshillit dhe Kryetarit, kërkon realizimin edhe të objektivit tjetër për trajnimin e vazhdueshëm të punonjësve të administratës, rinovimin e vazhdueshëm rregulloreve, përmirësimin e etikës së komunikimit, rritjen dhe forcimin e bashkëpunimit midis Drejtorive dhe Sektorëve me Kabinetin, Këshillin Bashkiak dhe Organet Rajonale dhe Qendrore.

Shpenzimet korente dhe konkretisht artikujt 600+601 (pagat dhe sigurimet shoqërore), realizohen në masën 103%, në krahasim me të njëjtën periudhë të vitit të kaluar (kjo ka ndodhur kryesisht për shkak të ndryshimit në rritje të nivelit të pagave të punonjësve mbështetës dhe në një masë më të vogël nga ndryshimi i strukturës, të miratuara nga Këshilli i Bashkisë). Ndërsa realizimi i zërave të mësipërm të shpenzimeve, në krahasim me planin e buxhetit të 4-mujorit të vitit 2026, është 89.3 %, kjo ka ndodhur, kryesisht, për arsye të mosplotësimit të strukturës organike dhe numrit të punonjësve të administratës, të miratuara në fillim të vitit.

Gjithashtu, shpenzimet materiale (602), gjatë kësaj periudhe realizohen në masën 106% në krahasim me të njëjtën periudhë të vitit të kaluar dhe 97,8% në krahasim me planin, për shkak të diferencës së prokurimeve me vlera të vogla. Për 4-mujorin 2026, nuk kemi planifikuar dhe realizuar investimet (Iventar ekonomik, kompiuter, printer, pajisje të tjera).

Në programin shërbimi i Policisë Bashkiake (03140)

Funksionimi i këtij programi buxhetor, kërkon një vlerësim dhe angazhim, në plotësimin e kopetencave dhe detyrave të reja me impakt në sigurinë e pronës dhe jetës së komunitetit. Gjithashtu aktiviteti i këtij programi buxhetor siguron zbatimin e akteve të Këshillit Bashkiak dhe të Kryetarit të Bashkisë. Kështu shpenzimet e këtij programi për 4-mujorin realizohen në masën 90% në krahasim me të njëjtën periudhë të vitit të kaluar dhe 87,5% në krahasim me planin, me një mosrealizim të vogël tek pagat dhe sigurimet shoqërore, për shkak të mosplotësimit të strukturës.

Në programin shërbimi i mbrojtjes nga zjarri dhe shpëtimi (03280).

Qëllimi i këtij programi është mbulimi me shërbimin e mbrojtjes nga zjarri dhe shpëtimin, si edhe shërbimet e mbrojtjes civile në të gjithë teritorin të Bashkisë në mënyrë sa më efektive dhe në kohë sa më të shpejtë. Kjo krahas të tjerave presupozon arritjen e ekipeve të mbrojtjes dhe shpëtimin në skajet me të largëta nga vendstacionimi i tyre. Kjo kërkon gadishmëri të lartë, logjistike dhe një organizim operacional dinamik. Realizimi i qëllimit të mësipërm është bërë nëpërmjet objektivave dhe treguesve konkret, si përmirësimi i vazhdueshëm i efikasitetit të nderhyrjeve për rastet e zjarrit dhe nderhyrjeve për shpëtim, nëpërmjet rritjes së numrit të rasteve të ndërhyrjeve dhe aftësisë reaguese ndaj emergjencave, nëpërmjet uljes së kohës së reagimit.

Gjatë 4-mujorit të parë të këtij viti realizuam një total shpenzimesh në të njëjtin nivel ,si e njëjta periudhë e vitit të kaluar, në masën 5.730 mijë lek. Ndërsa, në krahasim me planin e periudhës, realizimi është 87,1%, ose 848 mijë lek më pak, ku efektin më të madh, e jep mosrealizimi i shpenzimeve për mallra dhe shërbime të tjera në këtë program, për shkak të moslikuidimit brenda muajit Prill të vlerës së produkteve të

prokuruara, për mirëmbajtjen e mjeteve dhe konsumit të karburantit. Kështu përgjatë këtij 4-mujori realizojmë vetëm 14,3% të shpenzimeve materiale vjetore të planifikuara.

Në programin shërbimi i kullimit, vaditjes etj (04240).

Qëllimi përfundimtar i këtij Programi Buxhetor është rritja e zhvillimit ekonomik, bujqësor nepermjet administrimit efikas, shfrytëzimit maksimal dhe mirëmbajtjes së infrastrukturës së ujitjes dhe kullimit. Në funksion të tij janë burimet ujore të 16 rezervuarëve, 14 prej të cilëve janë funksionalë, ku në 11 prej tyre kryhen aktivitete mirëmbajtjeje. Gjithashtu Bashkia disponon një rrjet kanalesh kullues dhe vaditës, përkatësisht 1043km dhe 928 km. Për realizimin e aktiviteteve të këtij Programi buxhetor, krahas burimeve të tjera, janë edhe 10 punonjës dhe 5 të tjerë sezonalë (3muaj), si edhe dy mjete gërmuese. Nëpërmjet aseteve të cituara më lart, realizohen objektivat bazë, si,

- Përmirësimi i rrjetit ujtes, rrjetit kullues, duke shtuar sipërfaqen bujqësore të mbuluar me shërbimet e ujitjes dhe kullimit.

-Administrimi efikas i rezervave ujore dhe i shërbimit të vaditjes, si dhe monitorimi i vazhdueshëm i këtyre shërbimeve.

Produktet kryesore që realizohen dhe që thithin pjesën më të madhe të shpenzimeve janë ato të administrimit dhe monitorimit të burimeve ujore për shërbimin e vaditjes ndaj fermave bujqësore të vogla dhe të mëdha. Si edhe pastrimi i kanaleve kulluese dhe vaditëse.

Gjatë 4-mujorit të vitit 2026, shpenzimet e këtij programi janë realizuar në masën **289%**, në krahasim me të njëjtën periudhë të vitit 2025 dhe **74%** në krahasim me planin e periudhës 4-mujore. Po ta shikojmë këtë realizim në raport me planin vjetor, ai paraqitet në masën 21,5%. Kjo e fundit, krahas të tjerave, sepse shtohen shpenzimet për paga e sigurime shoqërore, gjatë 4-mujorit të dytë me punëtorët sezonalë për shërbimin e plotësimit të nevojave për vaditjen e kulturave bujqësore të fermerëve dhe fermave bujqësore, por edhe realizimi i investimeve për pjesën e vitit 2026, si për Rehabilitimin e Kanalit Ujitës nga Rezervuari i Pepelit dhe Rehabilitimin e Digës së liqenit Pepel 1. Aktualisht realizimi i investimit, paraqitet vetëm në masën 6.622 mijë lek, në objektin e parë.

Në programin shërbimi pyjor (04260), Qëllimi i funksionimit të këtij Programi Buxhetor është shfrytëzimi gjithnjë e më racional i pyjeve dhe kullotave për rritjen e cilësisë së shërbimeve pyjore-kullosore ndaj blegtorëve dhe komunitetit në përgjithësi. Bashkia jonë disponon një fond total të sipërfaqes pyjore-kullosore prej 23.000 ha. Numri i punonjësve të këtij Programi në funksion të rruajtjes së fondit të mësipërm, inspektimit dhe monitorimit të tij ka ardhur në rritje, në krahasim me vitet e kaluara. Realizimi i aktiviteteve në këtë Program ka për bazë objektivin për,

- Përmirësimin e inspektimeve të fondit pyjor dhe kullosor.

-Rritje sipërfaqeve të pyllëzuara dhe mbrojtja nga përmytjet dhe erozioni i tokës bujqësore.

Për 4-mujorin e parë të vitit 2026, realizojmë një total shpenzimesh në masën 4.136 mijë lek, që janë shpenzime për paga dhe sigurime shoqërore të punonjësve pyjorë dhe rojeve të pyjeve dhe kullotave, ose 98% në krahasim me planin dhe me rritje nga e njëjta periudhë e vitit të kaluar, në masën 112%, për shkak të rritjes së pagës minimale dhe rritjes së pagave në përgjithësi të punonjësve mbështetës. Këto shpenzime synojnë monitorimin më të plotë dhe më të efekshëm të sipërfaqes pyjore- kullosore në të tria Njësitë Administrative. Aktivitete të rëndësishëm në këtë program, të cilat do realizohet këtë vit (4-mujori i tretë), është shërbimi i ripyllëzimit, prodhimi i druve të zjarrit dhe hartimi i planit të mbarështimit të ekonomisë pyjore Dropull i Sipërm, projekti cili mbulohet nga GBP, me burim të huaj. Për të tre këto produkte/ projekte janë planifikuar përkatësisht 667; 3.000 dhe 5.888 mijë lek.

Në programin Rrugë Rurale (04520). Përmirësimi i infrastrukturës rrugore rurale duke mundësuar akses të plote të tyre në rrjetin rrugor kombëtar dhe nderkombëtar, si dhe aksesueshmerine e komunitetit në shërbimet vendore, përbën qëllimin e këtij Programi të rëndësishëm buxhetor. Objektivat dhe aktivitetet e

ketij Programi do të relizohen nëpërmjet burimeve, që janë fuqia punëtore për mirëmbajtjen e rrjetit rrugor rural, mjetet dhe fondet përkatëse për prokurimin e investimeve. Ndër objektivat bazë, mund të veçojmë:

-Përmiresimi i shërbimit të mirëmbajtjes së rrugëve rurale në gjithë teritorin e Bashkisë.

- Ndërhyrje me investime për rikonstruksionin sipas standarteve të perparuara të segmenteve rrugore problematike.

-Ndërtime të reja rrugesh, me impakt në një pjesë gjithnjë e më të madhe të komunitetit.

Përveç transfertës së pakushtëzuar sektoriale, në këtë program përdorim edhe burimet tona në një masë të konsiderueshme. Kështu në krahasim me planin, realizojmë një total shpenzimesh në masën 19.439 mijë lek, ose 88,2% të tij, pjesën dërmuese të cilave e përbëjnë ato për investime, prej 68% dhe për paga dhe sigurime shoqërore, prej 32%. Gjatë kësaj periudhe, që analizojmë, janë realizuar shpenzime për investime në veprën, Rikonstruksioni i rrugëve të brendshme të fshatrave të Bashkisë, në vlerë 13.273 mijë lek. Vazhdon edhe gjatë kësaj periudhe synimi që krahas disa investimeve në zona të veçanda problematike, pjesa dërmuese e shpenzimeve kapitale të përqëndrohet në veprat, nga realizimi i të cilave përfiton një komunitet disafish më i madh, si investimi për shtrimin me beton të segmenteve të rrugës Poliçan-Sopik, në Njesinë Administrative Pogon dhe Rikonstruksioni i sheshit qëndror në fshatin Peshkëpi e Sipërme. Gjithashtu do të vazhdoje gjatë vitit 2026, përfitimi nga projektet IPA “Extroverd-Roads” për vazhdimin e Rikonstruksionit të rrugës hyrëse në fshatin Bodrishtë, Rikonstruksioni i rrugës Stacioni Pyjor-Ura e Zalos (Pogon) dhe Ura e Zalos-fshati Hllomo (Pogon). Shpenzimet për investime në veprat e cituara më lart, janë një mënyrë që të ardhurat nga burimet e veta të arkëtuara, të përdoren në funksion të rritjes së cilësisë së jetës së komunitetit tonë. Përveç shpenzimeve kapitale në këtë program kemi angazhuar edhe fuqi punëtore dhe shpenzime të tjera materiale për mirëmbajtjen e akseve rrugore (shpenzime korente), sidomos në zonat problematike të Njësive administrative Pogon dhe Dropull i Sipërm, që kanë si prioritet sigurinë rrugore, si dhe ndërhyrjeve emergjente në periudhën e dimrit për përballimin e rreshjeve të debores dhe përmytjeve.

Në programin e menaxhimit të mbetjeve urbane (05100).

Është nga programet më të rëndësishme buxhetore të shërbimeve vendore, ku i shërbehet në mënyrë direkte komunitetit të banorëve, biznesit dhe institucioneve. Realizimi i aktiviteteve të këtij Programi, përveçse ka impakt në cilësinë e jetës së banorëve, ndikon në mënyrë të efektshme në rruajtjen dhe mbrojtjen e mjedisit dhe të habitateve natyrore, si edhe zhvillimin ekonomik nëpërmjet nxitjes dhe promovimit të turizmit në të gjitha format e tij.

Qëllimi i këtij Programi buxhetor është përmiresimi i vazhdueshëm i ofrimit të shërbimit të menaxhimit të mbetjeve urbane, por edhe rurale për kushtet e Bashkisë tonë, si edhe pastrimin e rrugëve, shesheve dhe parqeve publike, sidomos qëndrat e fshatrave dhe përreth rrugës nacionale Gjirokastër-Kakavi.

Pikërisht ky qëllim do të arrihet nëpërmjet objektivave dhe aktiviteteve konkrete, që lidhen me përmiresimin e grumbullimit, transportimit dhe depozitimit të mbetjeve urbane, që përfshin edhe trajtimin e mëtejshëm mjedisor në vënddepozitimin, në rritjen e pikave të grumbullimit nëpër fshatra dhe biznese, si edhe në rritjen e frekuencës javore, sidomos në qëndrat urbane, në periudhën e Verës dhe të festave tradicionale në fshatrat e Bashkisë. Përveç punëtorëve të kualifikuar, në mbështetje të këtij shërbimi janë edhe dy mjete Në total realizimi i shpenzimeve të këtij programi për periudhën që referojmë, në krahasim me planin është në masën 75%, ndërsa në krahasim me të njëjtën periudhë të vitit të kaluar 2025, është 135%. Mosrealizimet, në krahasim me planin kanë ardhur kryesisht tek shpenzimet korente, nën zëri mallra dhe shërbime të tjera (49%), pasi për periudhën që analizojmë nuk janë likuiduar brenda 4-mujorit shpenzimet për produktet e mirëmbajtjes së mjeteve, veglave të punës dhe konsumit të karburantit për muajin Prill. Gjithashtu brenda shpenzimeve të planifikuara të këtij 4-mujori, që nuk janë realizuar, janë edhe ato për pagesën e shërbimeve nga kontrata e grumbullimit dhe transportimit të mbetjeve në Njësinë Administrative Pogon.

Në programin e shërbimeve publike (06260).

Pas Programit të menaxhimit të mbetjeve urbane, është programi i dytë më i rëndësishëm i shërbimeve vendore ndaj komunitetit, që lidhet me rekreacionin, hapësirat e përbashkëta dhe relaksuese. Me përmirësimet e vazhdueshme të infrastrukturës, është synuar rijetëzimi i hapësirave publike, sidomos gjelbërimi, mbjellja e luleve, shkureve dekorativë, si edhe mirëmbajtja dhe trajtimi i trotuarëve në fshatrat që egzistojnë, si edhe ndriçimin cilësor dhe të vazhdueshëm të hapësirave të përbashkëta.

Kështu Qellimi i këtij Programi buxhetor mbetet përmirësimi dhe mirëmbajtja e hapësirave publike, i shërbimit të ndriçimit publik, me ndikim në sigurinë publike dhe cilësinë e jetës komunitare, që realizohet nëpërmjet objektivave dhe aktiviteteve për:

-Rritja e cilësisë së mirëmbajtjes së shesheve dhe hapësirave publike, si sheshet e fshatrave, këndeve të lojrave, parqeve të vogla, trotuarëve.

-Rritja e cilësisë së ndriçimit publik dhe kursimit të energjisë elektrike nëpërmjet instalimit të ndriçuesve dhe aksesorëve të rinj.

- Rritja e cilësisë së mirëmbajtjes së varezave publike dhe kryerjes së investimeve modeste për zgjerimin dhe rikonstruksionin e tyre në fshatra të veçantë.

Shpenzimet e përgjithshme të këtij programi për 4-mujorin e vitit 2026, realizohen në masën 87,3% në krahasim me planin dhe 92,5% në krahasim me të njëjtën periudhë të vitit të kaluar. Ndërsa shpenzimet materiale (Art.602), si vegla pune, mirëmbajtje, karburant, shpenzime të konsumit të energjisë elektrike për ndriçim rrugor, etj në masën 84,7%. Në këtë Program buxhetor përveç shërbimeve publike të tjera, kemi edhe shërbimet në varetat publike, në rrugët, sheshet dhe trotuarët publikë, të cilat kanë impakt direkt në rritjen e cilësisë së jetës së komunitetit dhe gjenerimin e të ardhurave për ngritjen e nivelit të këtyre shërbimeve.Në periudhat në vazhdim pritet të realizohet në këtë program buxhetor, investimi për zgjerimin e varezave të fshatrave Llongo, Bularat, Glinë, Grapsh dhe Terihat, në vlerë 8.100,4 mijë lek.

Në Programin Buxhetor Shërbime kulturore, (08220).

Puna dhe eksperiencia e fituar, si edhe kualifikimi i vazhdueshëm i stafit të këtij programi, do të shërbejnë ngritjes së nivelit të aktiviteteve të këtij shërbimi, me synim promovimin dhe aksesueshmërinë e veprave të trashëgimisë kulturore dhe resurset e tjera turistike, duke rritur ekonominë vendore dhe mirëqenien e komunitetit, forcimin e identitetit të vecandë të krahinës së Dropullit dhe Pogonit.

Si qëllimin bazë të këtij Programi Buxhetor, mund të përmendim gjallërimin e jetës së komunitetit dhe zhvillimin kulturor e sportiv, zhvillimin e turizmit, përmes aktiviteteve, mbrojtjes së trashëgimisë, ruajtjes së traditave, ngjarjeve historike, etj.

Per vitin 2026 planifikojmë shpenzime të rritura për aktivitetet tradicionale, promovuese dhe ato të forcimit të identitetit, si edhe ato për personelin administrativ, si edhe për aktivitetet e Bibliotekës në Dervician, të Qendres së Polifonisë në Grapsh, muzeun tradicional të prodhimit dhe ruajtjes së djathit, etj.

Objektiv konkret do të jetë përmirësimi i jetës kulturore dhe i aktiviteteve promovuese me fondet e Bashkisë, nëpërmjet:

-Rritjes së numrit të aktiviteteve kulturore, eventeve sportive, njohjen, aksesueshmërinë dhe mirëmbajtjen e monumenteve të kultures dhe të trashëgimisë, etj.

- Rritjen e numrit të pjesëmarrësve, sidomos të rinisë në aktivitetet dhe eventet e organizuara.

Gjatë kësaj periudhe kemi realizuar shpenzime për paga dhe sigurime shoqërore të stafit të Sektorit të Kulturës dhe turizmit, në masën 99,6%, kundrejt planit të 4-mujorit, si edhe shpenzime në artikullin (602) mallra dhe shërbime të tjera, (kryesisht aktivitete për festat tradicionale, si dhe ato me stafet e shkollave të mesme Bularat dhe Jorgucat), në masën 31,9%, pasi nuk janë përfshirë në situacionin e Degës

së Thesarit, aktivitetet e zhvilluara gjatë muajit Prill 2026. Kështu në total realizimi i shpenzimeve për 4-mujorine parë të vitit 2026, në këtë Program, paraqitet në masën 92% dhe në krahasim me të njëjtën periudhë të vitit të kaluar 1154%, kryesisht për shkak të ndryshimit në rritje të nivelit të pagave të Stafit mbështetës për vitin 2026.

Programi arsimit bazë dhe i mesëm (9120-9230).

Vecoria e funksionimit të sistemit arsimor në Bashkinë tonë, ku operojmë me Shkollën e Mesme të Bashkuarë (pra me një menaxhim drejtues dhe teknik dhe një godinë, arsimi bazë dhe të mesëm), krijon ndërthurje të aktiviteteve dhe shërbimeve të mirëmbajtjes dhe investimeve të përbashkëta në të dyja programet 09120 dhe 09230.

Qëllimi dhe objektivat e **arsimit bazë** kanë si drejtim frekuentimin gjithnjë e më të lartë të kopshteve, duke krijuar kushte sa më të mira për edukimin dhe mbarevajtjen e fëmijëve, nëpërmjet rritjes së shpenzimeve për kushte gjithnjë e më të përmirësuar materiale dhe ato për rritjen e cilësisë së edukimit të fëmijëve në kopshte. Përgjatë këtyre viteve, krahas trajnimit të vazhdueshëm të edukatoreve, është synuar një mjedis komod dhe didaktik për fëmijët në të tria kopshtet që administrojnë Bashkia, duke rritur nga viti në vit numrin e fëmijëve të akomoduar. Kjo arrihet nëpërmjet rritjes së përqindjes së thithjes së fëmijëve të këtyre grup-moshave dhe përgatitjes së tyre për arësimin fillor. Qëllimi dhe objektivat e **Arsimit të Mesëm**, përcaktojnë krijimin e kushteve sipas standarteve për një edukim cilësor në rritje të nxënësve të shkollave 9-vjeçare dhe të mesme. Kjo krahas të tjerave kërkon rritjen e shpenzimeve për kushte gjithnjë e më komode materiale, me ndikim në rritjen e cilësisë së edukimit të nxënësve. Të gjitha këto do të synojnë rritjen e frekuentimit, si dhe rritjen e përqindjes së përthithjes së nxënësve nga shkolla 9-vjeçare në shkollën e mesme.

Tek të dyja programet, si arsimit parashkollor (9120) dhe arsimit të mesëm (9230), realizimi në total i shpenzimeve për periudhën e 4-mujorit 2026, në krahasim me planin paraqitet përkatësisht në masën 86% dhe 93%, ku shpenzimet për paga dhe sigurime shoqërore (Art.600+601), realizohen përkatësisht 86,7% dhe 93,4%. Gjatë kësaj periudhe nuk janë realizuar plotësisht edhe shpenzimet materiale (art.602), të cilin e kemi vetëm tek Arsimit të Mesëm (09230). Kështu këto shpenzime realizohen në masën 56%, në krahasim me planin e periudhës, ose 9% të planit vjetor të tyre. Vazdon në këtë program investimi i ndërtimit të palestrës dhe rikonstruksionit të shkollës së bashkuar Dervician, ku gjatë kësaj periudhe është realizuar nga burimet tona një vlerë prej 5.613 mijë lek nga plani vjetor prej 9.100 mijë lek.

Në programin e shërbimeve të kujdesit social dhe Strehimit Social (10430 dhe 10661).

Nga ana e Bashkisë po punohet për evidentimin e plotë të familjeve dhe individëve në nevojë dhe trajtimin e tyre nga skemat e mbështetjes shoqërore, me fonde të planifikuara nga burimet tona të brendshme.

Përmirësimi i cilësisë së jetës dhe dinjitetit, të të gjitha kategorive të familjeve dhe individëve në nevojë dhe mbështetja me skemat e përkujdesit në harmoni me politikën kombëtare, përbën qëllimin kryesor të këtij Programi Buxhetor, i cili arrihet nëpërmjet objektivave dhe treguesve realë, që kanë të bëjnë me:

-Evidentimin e të gjitha kategorive të familjeve dhe individëve në nevojë dhe përfshirja e tyre në skemat e përkujdesit social.

-Ulja e numrit të personave përfitues të aftësisë së kufizuar, riaftësimi dhe rifutja në jetën aktive duke mundësuar punësimin e tyre.

-Rritjen e përvitshme të përfituesve të personave dhe familjeve në nevojë nga fondi mbi fondin e kushtëzuar të ndihmës ekonomike.

-Përfshirjen e gjithë kategorive të përmendura më lart, në programet e rehabilitimit dhe formimit profesional, me synim jetën aktive dhe punësimin.

Gjatë 4-mujorit të vitit 2026, shpenzimet nga burimet tona të miratuara në buxhetin e vitit 2026, në këtë program realizohen në masën 61,6%, në krahasim me planin dhe 119,6% në krahasim me të njëjtën periudhë të vitit 2025. Kjo e fundit ka ardhur si rezultat i përfshirjes në shpenzimet e këtij programi edhe të shpenzimeve për paga dhe sigurime shoqëroretë rritura të stafit mbështetës të Drejtorisë së Mbrojtjes Sociale dhe Strehimit, por edhe shtimit të numrit të përfituesve të pagesës nga fondi mbi fondin e kushtëzuar të ndihmës ekonomike, duke trajtuar mesatarisht 2 familje dhe individë në nevojë, më shumë se çdo muaj i periudhës respektive të vitit të kaluar.. Me interes në këtë Program është vazhdimi i implementimit të Projektit për Asistencën Sociale në banesë për PAK dhe të moshuar në gjendje të vështirë, në vlerën 7.689 mijë lek, në bashkëpunim me fondin social në MSHMS, ku deri tani janë realizuar 827 mijë lek.

Si konkluzion. Nevojitet që nga Ekippet e Menaxhimit të Programeve dhe Drejtuesit e tyre të rritet shkalla e përgatitjes së dokumentacionit për të bërë të mundur kryerjen e plotë të shpenzimeve në periudhën në vazhdim deri në fund të vitit. Sugjerojmë që pas informimit të Këshillit të Bashkisë, të përcaktohen nga ana e GMS, detyrat dhe objektivat konkrete për të gjitha programet buxhetore, edhe në kuadër të hartimit të Projektdokumentit të parë të PBA 2027-2029 dhe miratimit të tij në mbledhjen e radhës, në Këshillin e Bashkisë.

Bashkangjitur:

M1. Raporti i shpenzimeve Plan-Fakt sipas programeve.

M2. Raporti i shpenzimeve të programeve sipas artikujve buxhetore.

M3. Raporti i shpenzimeve sipas produkteve.

M4. Raporti i realizimit të investimeve.

M5. Raporti i realizimit të të ardhurave.

Konceptoi: K.LENGO

J.VASILI

L.XHUBA

Miratoi : P.DHEFTO

K R Y E T A R I

Dhimitraq TOLI

